

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-317/07
Sarajevo, 08.05.2007. godine

Z A P I S N I K

3. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 08. maja 2007. godine

Sjednica je počela u 10.23.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, predsjednicu Federacije Bosne i Hercegovine Borjanu Krišto, potpredsjednike Federacije Bosne i Hercegovine Spomenku Mičić i Mirsada Kebu, premijera Nedžada Brankovića i ministre u Vladi Federacije Bosne i Hercegovine, goste i predstavnike akreditiranih medijskih kuća koji prate rad sjednice.

Odsustvo sa sjednice opravdali su Muharem Serbezovski i Anđelko Mikulić.

Na osnovu evidencije Stručne službe, predsjedavajući je konstatovao da sjednici prisustvuje 47 delegata, što čini većinu, te da Dom naroda može raditi i punovažno odlučivati.

Prije prelaska na rad usvojeni su, sa 48 glasova, zapisnici 1. vanredne sjednice Doma naroda Parlamenta Federacije Bosne i Hercegovine, održane 02. aprila 2007. godine, i 2. sjednice Doma naroda Parlamenta Federacije Bosne i Hercegovine, održane 15. marta 2007. godine.

Nakon toga predsjedavajući je podsjetio delegate da na osnovu člana 104. Poslovnika o radu Doma naroda oni mogu postavljati delegatska pitanja ili pokretati inicijative u trajanju od najviše sat vremena.

Delegatska pitanja i inicijative

Besim Spahić je Vladi Federacije Bosne i Hercegovine postavio pitanje u vezi sa dobijanjem dozvole za zaštitu okoline koju treba pribaviti kompanija «Mittal Steel».

Josip Perić pokrenuo je inicijativu za pripremu i izradu zakona o brdsko-planinskim područjima i zakona o područjima od posebne državne zaštite koju su podržali Kolegij Doma naroda i Klub delegata hrvatskog naroda. On je napomenuo da će, u slučaju da Vlada Federacije Bosne i Hercegovine ne dostavi ove zakone u roku od tri mjeseca, predlagač ovih zakona biti on i Klub delegata hrvatskog naroda.

Miro Lazović postavio je pitanje Federalnom ministarstvu prostornog uređenja u vezi sa dovozom smeća iz Republike Hrvatske na područje Bosne i Hercegovine, odnosno Neuma.

Premijer Nedžad Branković obavijestio je delegate da je federalni ministar unutrašnjih poslova uputio dopis ministru sigurnosti Bosne i Hercegovine u vezi sa ovim pitanjem. Također, istakao je da će uputiti pismo predsjedavajućem Vijeća ministara Bosne i Hercegovine Nikoli Špiriću i tražiti da se ovo pitanje stavi unutar nadzora državnih institucija.

Igor Rajner postavio je tri pitanja.

Prvo pitanje upućeno je Federalnom ministarstvu poljoprivrede, vodoprivrede i šumarstva a tiče se postojanja strategije Federacije za razvoj i stimulaciju poljoprivredne proizvodnje.

Drugo pitanje postavio je Federalnom ministarstvu pravde u vezi sa notarskom tarifom.

Treće pitanje je, također, upućeno Federalnom ministarstvu pravde u vezi sa Informacijom o radu sudova pod nadležnošću Visokog sudskog i tužilačkog vijeća Bosne i Hercegovine za 2006. godinu i pokrenuo inicijativu da se Informacija stavi na dnevni red jedne od narednih sjednica Doma naroda.

Damir Ljubić, federalni ministar poljoprivrede, vodoprivrede i šumarstva, odgovorio je da je Vlada Federacije Bosne i Hercegovine usvojila Program poticaja u poljoprivredi za 2007. godinu a u proceduri je i Srednjoročna strategija razvoja poljoprivredne proizvodnje, s tim da će Ministarstvo predložiti osnovne zakone iz poljoprivredne oblasti.

Mirko Pejanović pokrenuo je inicijativu za održavanje tematske sjednice Doma naroda gdje bi bilo riječi o povratku i održivosti povratka izbjeglica i raseljenih lica.

Predsjedavajući Doma naroda obavijestio je delegate da je Ivo Komšić pokrenuo sličnu inicijativu te će se na sljedećoj sjednici Kolegija Doma naroda razmatrati obje inicijative.

Elvira Abdić-Jelenović postavila je pitanje federalnom ministru pravde a tiče se izdavanja odobrenja za pristup stenogramima sjednica Predsjedništva Republike Bosne i Hercegovine i Skupštine Republike Bosne i Hercegovine u periodu od 1992. do 1994. godine.

Mislav Sučić postavio je dva pitanja Federalnom ministarstvu poljoprivrede, vodoprivrede i šumarstva.

Prvo se odnosi na proceduru izvoza mesa u Republiku Hrvatsku a drugo na poticaje u poljoprivredi.

Federalni ministar Damir Ljubić odgovorio je da će dati pisani odgovor na pitanje za izvoz mesa, dok je na drugo pitanje odgovorio da

Ministarstvo radi na izgradnji sistema i dugoročne strategije razvoja poljoprivredne proizvodnje.

Fahrudin Skopljak je, ispred Odbora za boračka i invalidska pitanja, rad, zdravstvenu i socijalnu zaštitu, predložio Domu naroda usvajanje zaključka u vezi sa štrajkom zdravstvenih radnika.

Safet Omerović, federalni ministar zdravstva, odgovorio je da je Vlada Federacije Bosne i Hercegovine oformila radnu grupu i zajedno sa predstavnicima kantona uskladila Prijedlog Kolektivnog ugovora sa zahtjevom štrajkača.

* * *

Predsjedavajući je obavijestio delegate da je Vlada Federacije Bosne i Hercegovine dostavila Prijedlog Zakona o prestanku važenja Zakona o građenju sa prijedlogom da se razmatra po hitnom postupku. Pozvao je delegate da se, na osnovu člana 178. Poslovnika o radu Doma naroda, izjasne da li prihvataju da se ovaj prijedlog razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 46 glasova, prihvatio da se Prijedlog Zakona o prestanku važenja Zakona o građenju razmatra po hitnom postupku.

Predsjedavajući je podsjetio da je Prijedlog Zakona o izmjeni Zakona o rudarstvu, koji je predložila Nermina Kapetanović, zastupnica u Predstavničkom domu Parlamenta Federacije Bosne i Hercegovine, dostavljen po skraćenom postupku.

U raspravi o ovom pitanju učestvovali su: Svetozar Pudarić, Nermina Kapetanović, premijer Nedžad Branković, Besim Imamović, Jasenko Tufekčić, Tomo Vidović, Josip Perić, federalni ministar energije, rudarstva i industrije Vahid Hećo i Igor Rajner.

Predlagač Zakona Nermina Kapetanović prihvatila je razloge za odlaganje razmatranja Zakona na ovoj sjednici kako bi se delegatima dala mogućnost za podnošenje amandmana.

Nakon toga predsjedavajući je skinuo sa dnevnog reda Prijedlog Zakona i konstatovao da će se razmatrati na sljedećoj sjednici.

Svetozar Pudarić predložio je da se sa dnevnog reda skine Izvještaj o radu Vlade Federacije Bosne i Hercegovine za 2006. godinu, ali prijedlog nije prihvaćen.

Potom se prešlo na glasanje o dnevnom redu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 46 glasova, usvojio sljedeći:

DNEVNI RED

1. a) Odluka o prestanku mandata delegatu u Domu naroda,
b) Verifikacija mandata;
2. Prijedlog Zakona o prestanku važenja Zakona o građenju - hitni postupak;
3. Nacrt Zakona o izmjenama i dopunama Zakona o Trezoru u Federaciji Bosne i Hercegovine;
4. a) Odluka o davanju saglasnosti za prihvatanje kredita Međunarodne asocijacije za razvoj o dodatnom finansiranju za Projekt razvoja zajednica,
b) Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za dodatno finansiranje Projekta razvoja zajednica,
c) Informacija o dodatnom finansiranju Projekta razvoja zajednica iz kredita Međunarodne asocijacije za razvoj,
d) Zaključci Vlade Federacije Bosne i Hercegovine;
5. a) Odluka o davanju saglasnosti za prihvatanje kredita Evropske investicione banke za finansiranje Projekta "Obnova električne energije II",
b) Odluka o davanju saglasnosti za zaključivanje Supsidijarnog sporazuma o kreditu između Federacije Bosne i Hercegovine i Bosne i Hercegovine za kredit Evropske investicione banke za Projekt "Obnova električne energije II",
c) Informacija o finansiranju Projekta "Obnova električne energije II" iz kredita Evropske investicione banke,
d) Zaključci Vlade Federacije Bosne i Hercegovine;
6. Prijedlog Finansijskog plana (budžeta) FERK-a za 2007. godinu;
7. Finansijski plan Zavoda zdravstvenog osiguranja i reosiguranja Federacije Bosne i Hercegovine za 2007. godinu;
8. Finansijski plan Federalnog zavoda za zapošljavanje za 2007. godinu i procjena plana za 2008. i 2009. godinu;
9. Finansijski plan Federalnog zavoda za penzijsko i invalidsko osiguranje za 2007. godinu;
10. Izvještaj o radu Vlade Federacije Bosne i Hercegovine za 2006. godinu;
11. a) Izvještaj o radu Komisije za vrijednosne papire Federacije Bosne i Hercegovine za 2006. godinu,
b) Finansijski plan Komisije za vrijednosne papire Federacije Bosne i Hercegovine za 2007. godinu sa Programom rada za 2007. godinu;
12. Plan razvojnih projekata u Federaciji Bosne i Hercegovine finansiranih iz inokreditnih i donatorskih sredstava;
13. Izbori i imenovanja.

1. a) Odluka o prestanku mandata delegatu u Domu naroda

Mandatno-imunitetska komisija pripremila je Prijedlog Odluke o prestanku mandata delegatu u Domu naroda Parlamenta Federacije Bosne i Hercegovine **Velimiru Kuniću** zbog nespojivosti funkcija, jer je imenovan na mjesto federalnog ministra razvoja, poduzetništva i obrta.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno donio Odluku o prestanku mandata delegatu Velimiru Kuniću u Domu naroda Parlamenta Federacije Bosne i Hercegovine.

b) Verifikacija mandata

Centralna izborna komisija Bosne i Hercegovine obavijestila je Dom naroda Parlamenta Federacije Bosne i Hercegovine da je dodijelila mandat kandidatima iz reda ostalih - **Hasanu Tafri, Emiru Frašti i Kenanu Keseroviću**.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio Izvještaj Mandatno-imunitetske komisije i time verifikovao mandat delegatima iz reda ostalih u Domu naroda Parlamenta Federacije Bosne i Hercegovine - **Hasanu Tafri, Emiru Frašti i Kenanu Keseroviću**.

Nakon toga delegati su dali zakletvu.

2. Prijedlog Zakona o prestanku važenja Zakona o građenju

Prijedlog Zakona utvrdila je Vlada Federacije Bosne i Hercegovine.

Predstavnički dom je na 1. sjednici, održanoj 24. aprila 2007. godine, usvojio Prijedlog Zakona u tekstu kako ga je predložila Vlada Federacije Bosne i Hercegovine.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Salko Obhodžić, federalni ministar prostornog uređenja.

U pretresu je učestvovao Igor Rajner dajući primjedbu na ustavni osnov na koji se pozvala Zakonodavno-pravna komisija u vezi sa ovim Zakonom.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 32 glasa, usvojio Prijedlog Zakona o prestanku važenja Zakona o građenju.

3. Nacrt Zakona o izmjenama i dopunama Zakona o Trezoru u Federaciji Bosne i Hercegovine

Nacrt Zakona utvrdila je Vlada Federacije Bosne i Hercegovine.

Predstavnički dom je na 1. sjednici, održanoj 24. aprila 2007. godine, razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Vjekoslav Bevanda, federalni ministar finansija.

U pretresu su učestvovali Tomo Vidović, Mira Ljubijankić, predsjednica Kluba delegata srpskog naroda, i ministar Vjekoslav Bevanda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o Trezoru u Federaciji Bosne i Hercegovine i smatra da može poslužiti kao osnov za izradu prijedloga Zakona.
 2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.
4. a) **Odluka o davanju saglasnosti za prihvatanje kredita Međunarodne asocijacije za razvoj o dodatnom finansiranju za Projekt razvoja zajednica**
 - b) **Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za dodatno finansiranje Projekta razvoja zajednica**
 - c) **Informacija o dodatnom finansiranju Projekta razvoja zajednica iz kredita Međunarodne asocijacije za razvoj**
 - d) **Zaključci Vlade Federacije Bosne i Hercegovine**

Odluke je donijela Vlada Federacije Bosne i Hercegovine i dostavila ih Parlamentu Federacije Bosne i Hercegovine na razmatranje i odobrenje.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje.

Predsjedavajući je predložio da se o odlukama vodi zajednička rasprava a da se izjašnjavanje obavi pojedinačno, što su delegati prihvatili.

U raspravi nije niko učestvovao.

a) Odluka o davanju saglasnosti za prihvatanje kredita Međunarodne asocijacije za razvoj o dodatnom finansiranju za Projekt razvoja zajednica

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova, donio Odluku kojom je **odobrio** Odluku o davanju saglasnosti za prihvatanje kredita Međunarodne asocijacije za razvoj o dodatnom finansiranju za Projekt razvoja zajednica.

b) Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za dodatno finansiranje Projekta razvoja zajednica

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno donio Odluku kojom je **odobrio** Odluku o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za dodatno finansiranje Projekta razvoja zajednica.

c) Informacija o dodatnom finansiranju Projekta razvoja zajednica iz kredita Međunarodne asocijacije za razvoj

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prima na znanje Informaciju o dodatnom finansiranju Projekta razvoja zajednica iz kredita Međunarodne asocijacije za razvoj.

5. a) **Odluka o davanju saglasnosti za prihvatanje kredita Evropske investicione banke za finansiranje Projekta "Obnova električne energije II"**
- b) **Odluka o davanju saglasnosti za zaključivanje Supsidijarnog sporazuma o kreditu između Federacije Bosne i Hercegovine i Bosne i Hercegovine za kredit Evropske investicione banke za Projekt "Obnova električne energije II"**
- c) **Informacija o finansiranju Projekta "Obnova električne energije II" iz kredita Evropske investicione banke**
- d) **Zaključci Vlade Federacije Bosne i Hercegovine**

Odluke je donijela Vlada Federacije Bosne i Hercegovine i dostavila ih Parlamentu Federacije Bosne i Hercegovine na razmatranje i odobrenje.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje.

Predsjedavajući je predložio da se o odlukama vodi zajednička rasprava a da se izjašnjavanje obavi pojedinačno, što su delegati prihvatili.

U raspravi su učestvovali: Svetozar Pudarić, Besim Imamović, Muhamed Osmić, Igor Rajner i federalni ministar finansija Vjekoslav Bevanda.

- a) **Odluka o davanju saglasnosti za prihvatanje kredita Evropske investicione banke za finansiranje Projekta "Obnova električne energije II"**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom, donio Odluku kojom je **odobrio** Odluku o davanju saglasnosti za prihvatanje kredita Evropske investicione banke za finansiranje Projekta "Obnova električne energije II".

- b) **Odluka o davanju saglasnosti za zaključivanje Supsidijarnog sporazuma o kreditu između Federacije Bosne i Hercegovine i Bosne i Hercegovine za kredit Evropske investicione banke za Projekt "Obnova električne energije II"**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za i uz jedan uzdržani glas, donio Odluku kojom je **odobrio** Odluku o davanju saglasnosti za zaključivanje Supsidijarnog sporazuma o kreditu između

Federacije Bosne i Hercegovine i Bosne i Hercegovine za kredit Evropske investicione banke za Projekt "Obnova električne energije II".

c) Informacija o finansiranju Projekta "Obnova električne energije II" iz kredita Evropske investicione banke

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prima na znanje Informaciju o finansiranju Projekta "Obnova električne energije II" iz kredita Evropske investicione banke.

6. Prijedlog Finansijskog plana (budžeta) FERK-a za 2007. godinu

Regulatorna komisija za električnu energiju u Federaciji Bosne i Hercegovine dostavila je Parlamentu Federacije Bosne i Hercegovine Prijedlog Finansijskog plana FERK-a za 2007. godinu na razmatranje i usvajanje.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, usvojio Prijedlog Finansijskog plana FERK-a za 2007. godinu.

Prijedlog Plana razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine **usvaja** Prijedlog Finansijskog plana (budžeta) FERK-a za 2007. godinu.

7. Finansijski plan Zavoda zdravstvenog osiguranja i reosiguranja Federacije Bosne i Hercegovine za 2007. godinu

Zavod zdravstvenog osiguranja i reosiguranja Federacije Bosne i Hercegovine dostavio je Parlamentu Federacije Bosne i Hercegovine Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2007. godinu na razmatranje i usvajanje.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, usvojio Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2007. godinu.

Prijedlog Plana razmatrala su nadležna radna tijela i dostavila svoje izvještaje.

U raspravi su učestvovali: Mira Ljubijankić, Novka Agić, direktor Zavoda, Svetozar Pudarić, Lidija Bradara, Tomo Vidović, Zoran Budimić i Alija Begović.

Sa 32 glasa za, uz 11 glasova protiv i uz tri uzdržana glasa, Dom naroda Parlamenta Federacije Bosne i Hercegovine usvojio je Zaključak Svetozara Pudarića koji glasi:

Z A K L J U Č A K

1. Obavezuje se Vlada Federacije Bosne i Hercegovine da u Fondu solidarnosti Zavoda zdravstvenog osiguranja i reosiguranja Federacije Bosne i Hercegovine iz Budžeta Federacije Bosne i Hercegovine za 2007. godinu osigura sredstva neophodna za provođenje Odluke o pokrivanju troškova zdravstvene zaštite povratnika u podrinjske općine u Republici Srpskoj.
2. Prijedlog izmjene Budžeta Federacije Bosne i Hercegovine za 2007. godinu treba dostaviti u oba doma Parlamenta Federacije Bosne i Hercegovine u roku od mjesec dana.

Nakon toga predsjedavajući je dao na glasanje Finansijski plan i, na osnovu rezultata glasanja, konstatovao da je Dom naroda Parlamenta Federacije Bosne i Hercegovine, sa 48 glasova, usvojio sljedeći:

Z A K L J U Č A K

Dom naroda Parlamenta Federacije Bosne i Hercegovine **usvaja** Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2007. godinu.

8. Finansijski plan Federalnog zavoda za zapošljavanje za 2007. godinu i procjena plana za 2008. i 2009. godinu

Federalni zavod za zapošljavanje dostavio je Parlamentu Federacije Bosne i Hercegovine Finansijski plan Federalnog zavoda za zapošljavanje za 2007. godinu i procjenu plana za 2008. i 2009. godinu na razmatranje i usvajanje.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, usvojio Finansijski plan Federalnog zavoda za zapošljavanje za 2007. godinu i procjenu plana za 2008. i 2009. godinu.

Plan su razmatrala nadležna radna tijela i dostavila svoje izvještaje.

Na Prijedlog Finansijskog plana Mirsad Pindžo podnio je amandman koji se odnosi na član 3.

Prijedlog Plana obrazložio je Miralem Šarić, predstavnik Federalnog zavoda za zapošljavanje, i izjavio da prihvata predloženi amandman.

Amandman

“U članu 3. pod C. Tekući grantovi, r. br. 17.6. ekonomski kod 614114 - Sufinansiranje programa tržišta rada kantonalnih službi sredstvima Federalnog zavoda za zapošljavanje: dokvalifikacije i prekvalifikacije, zapošljavanje određenih ciljnih grupa i ostalih programa kantonalnih službi - umanjuju se za 1.000.000 KM.

Uvodi se novi grant - Fond za studentske zajmove Federacije Bosne i Hercegovine - kojem se dodjeljuju sredstva u iznosu od 1.000.000 KM.”

U raspravi su učestvovali Igor Rajner, Mira Ljubijankić i predstavnik Zavoda Miralem Šarić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za, uz dva glasa protiv i uz osam uzdržanih glasova, usvojio sljedeći:

Z A K L J U Č A K

Dom naroda Parlamenta Federacije Bosne i Hercegovine **usvaja** Prijedlog Finansijskog plana Federalnog zavoda za zapošljavanje za 2007. godinu i procjenu plana za 2008. i 2009. godinu.

Prijedlog Plana usvojen je u različitom tekstu u oba doma Parlamenta Federacije Bosne i Hercegovine pa ga je **potrebno usaglasiti**.

9. Finansijski plan Federalnog zavoda za penzijsko i invalidsko osiguranje za 2007. godinu

Federalni zavod za penzijsko i invalidsko osiguranje dostavio je Parlamentu Federacije Bosne i Hercegovine Finansijski plan Federalnog zavoda za penzijsko i invalidsko osiguranje za 2007. godinu na razmatranje i usvajanje.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, usvojio Finansijski plan Federalnog zavoda za penzijsko i invalidsko osiguranje za 2007. godinu.

Prijedlog Plana razmatrala su nadležna radna tijela i dostavila svoje izvještaje.

U raspravi su učestvovali Mislav Sučić, Svetozar Pudarić i Zoran Budimić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za, uz dva glasa protiv i uz četiri uzdržana glasa, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine **usvaja** Prijedlog Finansijskog plana Federalnog zavoda za penzijsko i invalidsko osiguranje za 2007. godinu.

10. Izvještaj o radu Vlade Federacije Bosne i Hercegovine za 2006. godinu

Izvještaj je utvrdila Vlada Federacije Bosne i Hercegovine iz prethodnog mandata.

Izvještaj su razmatrali: Odbor za prostorno uređenje, ekologiju i stambeno-komunalne poslove, Odbor za denacionalizaciju i privatizaciju, Odbor za boračka i invalidska pitanja, rad, zdravstvenu i socijalnu zaštitu, Odbor za pravdu, opću upravu i lokalnu samoupravu i, na zajedničkoj sjednici, Odbor za ekonomsku i razvojnu politiku, finansije i budžet i Odbor za privredu i dostavili svoje izvještaje.

U raspravi su učestvovali: Elvira Abdić-Jelenović, Svetozar Pudarić, Mislav Sučić, Tomo Vidović, federalni ministar kulture i sporta Gavrilo Grahovac i Igor Rajner.

S obzirom na to da je u raspravi izneseno više prijedloga, predsjedavajući je predložio da se Izvještaj tretira kao Informacija Vlade Federacije Bosne i Hercegovine iz prethodnog mandata.

Nakon toga predsjedavajući je, na osnovu rezultata glasanja, konstatovao da je Dom naroda Parlamenta Federacije Bosne i Hercegovine, sa 39 glasova za i uz jedan uzdržani glas, usvojio sljedeći:

Z A K L J U Č A K

1. Dom naroda Parlamenta Federacije Bosne i Hercegovine **prihvata** Izvještaj o radu Vlade Federacije Bosne i Hercegovine za 2006. godinu **kao Informaciju prethodne Vlade.**
2. Obavezuje se aktuelna Vlada Federacije Bosne i Hercegovine da na osnovu Izvještaja programira svoj rad u narednom periodu.

11. a) **Izvještaj o radu Komisije za vrijednosne papire Federacije Bosne i Hercegovine za 2006. godinu**
- b) **Finansijski plan Komisije za vrijednosne papire Federacije Bosne i Hercegovine za 2007. godinu sa Programom rada za 2007. godinu**

- a) **Izvještaj o radu Komisije za vrijednosne papire Federacije Bosne i Hercegovine za 2006. godinu**

Komisija za vrijednosne papire Federacije Bosne i Hercegovine je izvještaj dostavila Parlamentu Federacije Bosne i Hercegovine na razmatranje i usvajanje.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Matej Živković, član Komisije za vrijednosne papire.

U raspravi su učestvovali Saša Magazinović i Matej Živković.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 45 glasova, usvojio sljedeći:

Z A K L J U Č A K

Dom naroda Parlamenta Federacije Bosne i Hercegovine **usvaja** Izvještaj o radu Komisije za vrijednosne papire Federacije Bosne i Hercegovine za 2006. godinu.

- b) **Finansijski plan Komisije za vrijednosne papire Federacije Bosne i Hercegovine za 2007. godinu sa Programom rada za 2007. godinu**

Komisija za vrijednosne papire Federacije Bosne i Hercegovine je dostavila Parlamentu Federacije Bosne i Hercegovine Plan na razmatranje i potvrđivanje.

Finansijski plan razmatrala su nadležna radna tijela i dostavila svoje izvještaje.

Plan je obrazložio Matej Živković, član Komisije za vrijednosne papire.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 46 glasova, usvojio sljedeći:

Z A K L J U Č A K

Dom naroda Parlamenta Federacije Bosne i Hercegovine **potvrđuje** Finansijski plan Komisije za vrijednosne papire Federacije Bosne i Hercegovine za 2007. godinu sa Programom rada za 2007. godinu.

12. Plan razvojnih projekata u Federaciji Bosne i Hercegovine finansiranih iz inokreditnih i donatorskih sredstava

Vlada Federacije dostavila je Parlamentu Federacije Bosne i Hercegovine, zajedno sa Planom Budžeta Federacije Bosne i Hercegovine za 2007. godinu i Plan razvojnih projekata u Federaciji Bosne i Hercegovine finansiranih iz inokreditnih i donatorskih sredstava na razmatranje i usvajanje.

Plan su razmatrala nadležna radna tijela i dostavila svoje izvještaje.

Plan je obrazložio Enver Trepčić, pomoćnik federalnog ministra finansija.

U raspravi je učestvovao Igor Rajner.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova, usvojio sljedeći:

Z A K L J U Č A K

Dom naroda Parlamenta Federacije Bosne i Hercegovine **usvaja** Plan razvojnih projekata u Federaciji Bosne i Hercegovine finansiranih iz inokreditnih i donatorskih sredstava.

13. Izbori i imenovanja

a) Prijedlog kandidata za člana Državne regulatorne komisije za električnu energiju - DERK

Na osnovu člana 4. stav 4. Zakona o prijenosu, regulatoru i operateru sistema električne energije u Bosni i Hercegovini ("Službeni glasnik BiH", br. 7/02) Vlada Federacije Bosne i Hercegovine dostavila je prijedlog da

Parlament Federacije Bosne i Hercegovine predloži **Nikolu Pejića** za člana Državne regulatorne komisije za električnu energiju.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, donio Odluku kojom se Nikola Pejić predlaže za člana Državne regulatorne komisije za električnu energiju.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom, donio Odluku kojom je Nikola Pejić izabran za člana Državne regulatorne komisije za električnu energiju.

b) Prijedlog Odluke o imenovanju predsjednika i člana Komisije za koncesije Federacije Bosne i Hercegovine

Na osnovu člana 12. stav 1. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", br. 34/03) Vlada Federacije Bosne i Hercegovine dostavila je prijedlog da Parlament Federacije Bosne i Hercegovine imenuje dr. **Šefika Koričića** za predsjednika i mr. **Mirsada Hasanića** za člana Komisije za koncesije Federacije Bosne i Hercegovine.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, donio Odluku kojom je imenovao dr. Šefika Koričića za predsjednika i mr. Mirsada Hasanića za člana Komisije za koncesije Federacije Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 43 glasa, donio Odluku kojom je dr. Šefik Koričić imenovan za predsjednika a mr. Mirsad Hasanić za člana Komisije za koncesije Federacije Bosne i Hercegovine.

c) Imenovanje člana Regulatorne komisije za električnu energiju u Federaciji Bosne i Hercegovine – FERK

Na osnovu člana 17. Zakona o električnoj energiji ("Službene novine Federacije BiH", br. 41/02, 24/05 i 38/05) Vlada Federacije Bosne i Hercegovine dostavila je Prijedlog da Parlament Federacije Bosne i Hercegovine imenuje **Ristu Mandrapu** za člana Regulatorne komisije za

električnu energiju u Federaciji Bosne i Hercegovine iz reda srpskog naroda.

Predstavnički dom Parlamenta Federacije Bosne i Hercegovine je na 1. sjednici, održanoj 24. aprila 2007. godine, donio Odluku kojom je imenovao Ristu Mandrapu za člana Regulatorne komisije za električnu energiju u Federaciji Bosne i Hercegovine iz reda srpskog naroda.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 44 glasa, donio Odluku kojom je Risto Mandrapa imenovan za člana Regulatorne komisije za električnu energiju u Federaciji Bosne i Hercegovine iz reda srpskog naroda.

d) Utvrđivanje Prijedloga sastava Zajedničke komisije oba doma Parlamenta Federacije Bosne i Hercegovine za provođenje cjelokupne procedure izbora likovnog rješenja obilježja - znamenja Federacije Bosne i Hercegovine

U skladu sa Odlukom Ustavnog suda Bosne i Hercegovine o neustavnosti odredbi Zakona o grbu i zastavi Federacije Bosne i Hercegovine, Predstavnički dom Parlamenta Federacije je na 2. vanrednoj sjednici, održanoj 21. februara 2007. godine, donio Zaključak kojim je prihvatio Izvještaj Ustavne komisije o formiranju zajedničke komisije oba doma Parlamenta Federacije Bosne i Hercegovine radi provođenja cjelokupne procedure izbora likovnog rješenja obilježja - znamenja Federacije Bosne i Hercegovine.

Vlada Federacije Bosne i Hercegovine donijela je rješenje o imenovanju pet članova, ispred Vlade Federacije Bosne i Hercegovine, u radnu grupu za izradu novih obilježja Federacije Bosne i Hercegovine i to: **Feliks Vidović, Edin Mušić, Željko Silađi, Džemaludin Mutapčić i Đorđe Mišeljić** i dostavila ga Parlamentu Federacije Bosne i Hercegovine.

Predstavnički dom je na 1. sjednici, održanoj 24. aprila 2007. godine, prihvatio Prijedlog Komisije za izbor i imenovanja da se u Zajedničku komisiju, ispred Predstavničkog doma, imenuju: **Ismet Osmanović, Irfan Ajanović, Džemail Silajdžić, Sabrija Pojskić, Mato Franjičević, Marko Vujević i Vesna Saradžić** i prihvatio prijedlog članova ispred Vlade Federacije Bosne i Hercegovine.

Komisija za ustavna pitanja Doma naroda predložila je Kolegiju Doma naroda da, uz saglasnost klubova naroda, u Zajedničku komisiju predloži sedam članova iz reda delegata i to po dva člana iz svakog konstitutivnog naroda, a Dženana Zlatar, predsjednica Komisije za

jednakopravnost spolova, predložila je da se u Komisiju iz reda ostalih imenuje **Edina Papo**.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 45 glasova, prihvatio Prijedlog Komisije za izbor i imenovanja da se u Zajedničku komisiju, ispred Doma naroda, imenuju: **Jasenko Tufekčić, Besim Imamović, Anđelko Mikulić, Josip Perić, Svetozar Pudarić, Slobodan Zivlak i Edina Papo** a za članove iz reda eksperata **Enver Imamović, Nikola Lovrinović i Radoslav Tadić**.

* * *

Sjednica je završena u 15.41.

Magnetofonski snimak sjednice i prijepis snimka sjednice čine sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Stjepan Krešić